

I



Dies ist der anfang des Euangelij / von Ihesu Christo / dem Son Gottes / als geschrieben stehet in den Propheten. Siehe / Ich sende meinen Engel fur dir her / der da bereite deinen weg fur dir. Es ist eine stimme eines Predigers in der Wüsten / Be- reitet den weg des HERREN / machet seine steige richtig.

Mat. 3.

Jesa. 40.
Joh. 1.

Mat. 3.
Luc. 3.

Johannes der war in der Wüsten / teuffet vnd prediget von der Tauffe der busse / zur vergebung der sünde. Vnd es gieng zu jm hin aus das ganze Jüdischeland / vnd die von Jerusalem / vnd liessen sich alle von jm teuffen im Jordan / vnd bekenneten ire Sünde.

Joh. 1.

Johannes aber war bekleidet mit Kameelharen / vnd mit einem leddern Gürtel vmb seine Lenden / vnd ass Hewschrecken vnd Wildhonig. Vnd Prediget / vnd sprach / Es kompt einer nach mir / der ist stercker denn ich / Dem ich nicht gnugsam bin / das ich mich fur jm bücke / vnd die riemen seiner Schuch auflöse. Ich teuffe euch mit Wasser / Aber er wird euch mit dem heiligen Geist teuffen.

Mat. 3.
Luc. 3.
Joh. 1.

WAD es begab sich zu der selbigen zeit / das Ihesus aus Galilea von Nazareth kam / vnd lies sich teuffen von Johanne im Jordan. Vnd als bald steig er aus dem wasser / vnd sahe / das sich der Himel auffthat. Vnd den Geist / gleich wie ein Taube herab komet auff jm. Vnd da geschach eine stimme vom Himel / Du bist mein lieber Son / An dem ich wolgefallen habe.

Mat. 4.
Luc. 4.

VND bald treib in der Geist in die Wüsten / vnd war alda in der Wüsten vierzig tage / Vnd ward versucht von dem Satan / vnd war bey den Thieren / Vnd die Engel dieneneten jm.

Nach